



Minggu, 09 Januari 2023

Ogen: Hosea 1:1-9



"Anakna Pe Bagi Nandena"



Lit kuan-kuanen ngataken maka "buah labo ndauh ndabuhna arah batangna"; "Like father like son". Kuan-kuanen enda ningetken maka sekalak anak e me cerminen orangtuana, banci bapa entah pe nandena. Adi nandena pe merupa, mejile ras mbentar tentu sinursurna pe lit ka nge permerupana dengen permejilena. Anak-anakta e me cerminen entah gambaren dirinta, emaka perlu kel kita selaku orangtua mereken usihen si mehuli man sinursurta; gelah sikap dengen mehuli kerinana perdalanan geluhna. Jadilah kita orangtua si mehuli gelah anak-anakta pe mehuli, jadilah kita orangtua si bijak gelah biak e ka sinursurken man anak kemputa, jadilah kita orangtua si setia erkiniteken ras erpasangen gelahna anak-anakta pe nggeluh setia erkiniteken bagepe erpasangen.

Sada cerita motivasi si perlu kel sirenungken, 'sekalak anak ngidah perbahanen nandena man orangtua/simetuana si tading ras keluarga e. Simetuana e nggo metua dengen nggo mulai sakit-sakiten. Teptep man lit saja barang si pecah (piring ras gelas) ibahan simetua e. Iarihken ndeharana man perbulangenna gelah erbahan ingan perpanganenna arah sudu/batok kelapa. Kesepakaten ibuat maka ibahan me perpanganen orangtuana arah sudu. Sekali jadi tupung ia man berngi, reh nina anakna man orangtuana, "nde., lit ateku ku bereken man bandu ras bapa", Kiam anakna kukamar ibuatna siatena iberekenna man orangtuana. Jenari ibereken anak e janah nina "enda pagi kuban ingan perpanganenndu adina kam nggo metua bagi iting ah". Sedak kel iakap nande ras bapa anak e, erkiteken sudu iberekenna. Anak e me cerminen orangtua, mari sijaga perbahanenta, pengerananta gelah si mehuli ka iusih anak-anakta.